



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1276 Usque Ad Annum 1312

Fleury, Claude

August. Vind. [u.a.], 1766

VD18 90118251

§. 30. Veneti absolvuntur.

[urn:nbn:de:hbz:466:1-67012](https://nbn-resolving.org/urn:nbn:de:hbz:466:1-67012)

tra Cardinali Joanni Choletto suo in Fran- Sæcul. XIII.
cia Legato nova mandata dedit, ut Ec- A.C. 1286.
clesiasticos Alphonfi fautores privaret
beneficiorum fructibus, censurisque pu-
niret.

§. XXX.

Veneti absolvuntur.

Sedente ad clavum Ecclesiæ Martino Rayn. 1285.
IV Bernardus Cardinalis Episcopus n. 63.
Portuenlis & apostolicæ Sedis Legatus
Venetias venerat, ut curaret armandam
ibi classem, qua rebelles Siculi ad offi-
cium erga Regem Carolum reduceren-
tur. At Veneti hoc recusabant obtentu
antiquæ legis, quæ vetaret, nequis ipso-
rum arma ferret contra ullum Principem
aut Rempublicam sine permisso Ducis,
majorisque ac minoris Senatus: eam-
que legem præsentem Legato renovabant.
Id ille pro injuria sumens perhibebat
Venetos hoc Regi Carolo subsidium de-
negando Siculorum Petrique Arragonii
partes suscepisse, & quod consequeretur,
incurrisse in censuras eorum fautoribus
irrogatas: idcirco Venetias interdicto
perculit. Honorio in summam evecto
sedem tres Venetorum Legati exposue-
re hanc sanctionem veterem non esse fa-
ctam per contemptum Ecclesiæ Roma-
næ; sed ad conservandam Rempubli-
cam,

Sæcul. XIII.
A.C. 1286.

cam, & bella evitandi gratia. Tum Papa Venetiarum Episcopum iussit interdictum tollere ea conditione, ut Veneti contra rationes Ecclesiæ Romanæ ac hæredum Regis Caroli nullam causæ Siculæ partem caperent. Scribebat 5 Augusti 1285.

Rayn. 1286.
n. 17.

Sed Papa post hæc comperit, Ducem ac Rempublicam Venetam graves sumpsisse pœnas de civibus illis, qui rogato Legato, sed sine ipsorum consensu Regi Carolo suppetias iissent. Quapropter Episcopo Veneto aliam per epistolam præcepit, ne interdictum refingeret, priusquam Ducem ac Senatam monuisset, primum, ut declararent se decretum, de quo sermo esset, nec ad fraudem Ecclesiæ aut Regi Carolo faciendam, nec in gratiam Petri Arragonii edixisse; deinde, ut declarationem istam constitutionum suarum libro insererent; postremo, ut sententias in fautores Regis Caroli latis revocarent, iisque pœnas remitterent. Paruere Veneti, & ad Papam duos

n. 18.

Fratres Prædicatores, Minoresque tandem miserunt, qui testarentur ipsius iussa fuisse peracta. Tum Episcopo Veneto imperavit per litteras, ut interdictum abrogaret. Dabat 18 Martii an. 1286.